

նեսեան՝ իբր ի ձեռակերտն իւր և ի նմանութիւն, զամբաւութիւնս համբարեալ գումարեացէ. հաստատ և անսասան մնալ ի պահպանութեան ի պատուիրանացն Աստուծոյ, և արժանի լինել երկնահարաւէր ձայնի աւրհնութեանս ամէն :

Եւ ընդ աստուածապատիւ և առատածաւալ աւրհնութեանս, զիտելի եղիցի սիրելի և հոգեւոր որդւոցդ, զի մեք իբրեւ զհովիւ և տեսուչ բանաւոր հօտիդ, միշտ և հանապազ փոյթ ունիմք ամենեցուն ձեզ խնամ տանել, մանաւանդ ըստ երանելոյն Պօղոսի՝ Ուխտիւք խնդրէի ի Քրիստոսէ նզով լինել վասն ձեր, զի եղիլիք բնակարան վերնահոս շնորհացն և պահօղք պատուիրանացն Աստուծոյ: Ահա ձեզ ամենեցուն յայտնի եղեւ թէ որքան վիշտ և նեղութիւն յամենայն զիմաց պատեաց զմեզ՝ վասն ի միջոյ բառնալոյ զանկարգութիւն Եղիազարին, և զպարտս վճարելոյ. եօթն տարի է որ ի սուրբ աթոռոյս հեռացեալ՝ աւր ըստ աւրէ հաշիմք և մաշիմք ի տառապանս, և ոչ կարեմք աստի ելանել, զի մի կաշառօք աւերեսցեն զուղղեալն մեր, այլ սիրով շահեսցուք զնոսա: Կարծեալ, զիտելի եղիցի ձեզ, զի բազում կերպի վիրաւորեաց զմեզ Յովհաննէս վարդապետն. զոր մի ըստ միովէ պատմելն՝ անպատեհ է, զոր արար յԵրուսաղէմ, ի Լիվօւնոյ, և յայլ տեղիս. մանաւանդ թէ որոյ հրամանաւ եկն առ ձեզ. կամ է՞ր արդեօք զպատճառ զնալոյն ի մեծն Հոռոմ Նիկողայոս եպիսկոպոսին և անդ յամելոյն ոչ զեկոյց մեզ, և ի տեղին՝ առանց մերոյ հրամանի ինքնագլուխ նստաւ, և դուք ոչ խնդրեցիք ի մէնջ, այլ և զստոյզն ոչ ծանուցիք վասն առաջնորդին ձերոյ, թէ ի՞նչ պէտս ի սրբազան Պապէն կոչեցաւ ի մեծն Հոռոմ. և է՞ր արդեօք այսքան ժամանակս անդ յամենայ: Զլմարիտ գրեմք, զստոյզն և զիրաւն ոչ զիտեմք:

Արդ, որովհետեւ եպիսկոպոսն ձեր անդ յամեցաւ, և ամենեւին ոչ զիտեմք թէ միւսանգամ յետ դառնալոց է, կամեցաք զՍտեփանոս վարդապետն շնորհել ձեզ, իբր զայր հանձարեղ և տեղեակ ամենայն ճանապարհացն Աստուծոյ, լի շնորհօք և աստուածապաշտութեամբ. բայց նա յանձն ոչ առեալ, զմիայնակեցութիւն՝ առաջնորդութեանն նախագասեաց. վասն որոյ կոչեցաք ի Ս. Էլմիածնայ ի Կոստանդինուպօլիս՝ զհոգեւոր և զսիրելի որդիս զՏէր Թէոդորոսն Վարդանեանց, զայր խոհեմ և իմաստուն, որպէս և ձեզ յայտնի է. և զնա ձեռնադրեցաք եպիսկոպոս, և վարդապետական իշխանութեամբ առաքեցաք առ ձեզ. զի եղիցի փոխանակ Նիկողայոս եպիսկոպոսին, և երկրորդ նմին, այսինքն աթոռակալ և տեղապահ, որքան նա կենդանի է. իսկ զկնի մահուան Նիկողայոս եպիսկոպոսին՝ Թէոդորոս եպիսկոպոսն՝ ձեզ առաջնորդ հովիւ և տեսուչ է: Եւ զիտեմք զի անագորոյնք և անուղղաք ոչ են պակաս. զի ոմանք ասելոց են, թէ մեք զնա ոչ խնդրեցաք. իսկ թէ ցաւ լինէր ձեզ՝ վաղ ուրեմն խնդրեալ էիք. զի հօտն առանց հովուի կերակուր է գազանաց: Ահա ետու ձեզ հովիւ ըստ սրտի իմում, որ հովուելով հովեացէ զձեզ իմաստութեամբ. վասն որոյ պարտ է ձեզ ամենեցուն հնազանդ լինել. զի որպէս ասէ վարդապետն մեր Քրիստոս, « Որ ձեզ լսէ՝ ինձ լսէ, և որ զձեզ ընդ-